

6

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

JAN 26 1954

T5417 / 4298 B1

楊升菴集
六

七十四

升菴先生文集卷第十八

成都楊慎著

從子 有仁 編輯

後學趙開美校正
高安陳邦瞻重校
江陽王藩臣
內江蕭如松 全校

五言律詩

採藥

危蹬捫蘿上
名山採藥遊
木條刊落鴈
籬蔬剪牽牛
簡子紅仍艷
長卿翠欲流
三花聊永夕
一葉莫驚秋

暑夕

工跳昭侯蚤
翾飛露女蚊
青蒲眠不穩
白羽揮徒勤

刻

哈佛大學哈佛藥宗
圖書館珍藏印

南浦生涼月西郊聚密雲星橋歸思逼力疾坐宵分
松韶關吊孫松山中丞

京兆推孫寶郇瑕得智瑩才教烽火靜已見謗書盈
夢斷瓊瑰水魂歸貫索城故山聞笛處松壑動悲聲
閏春廿日夢在金沙寺與劉珥江及三際禪侶
清話覺後因記之并寄珥江

錦水白蘋渚金沙青豆房名僧偕梵志才子共劉郎
覺路花非染靈山草亦香碧雲牽別夢忽寤在江陽

桐花

甲戌年作追錄于此

曲水惠風輕桐華正吐英枝條引晨露

世說清露晨流新桐初引

門巷近清明剪剪寒應盡霏霏雪不驚啄花天鳳小
又見綠陰成

苦熱

溽暑蒸潤土火雲燒遠空閉戶類螺蚌解衣真裸蟲
枕石無涼氣揮扇亦炎風引脰望西顥金伏何時終
贈高白坪方伯

稅駕辭薇省披林構草堂虛舟分雪浪泰宇發天光
芹藻金籬外芝蘭玉砌傍丹丘何必問此是白雲鄉
江陽秋熱八月作

四序重開夏

俗言天下三伏瀘州六伏

三炎未解威心遲冰雪節

體想芰荷衣靈籟無清吹嵐光滅翠微
閨風與玄圃羽翼詎能飛

六月八日第四雛生用韻答二韓表弟

適甫述

茅舍亦懸弧欣看第四雛自憐牛舐犢誰謂蚌生珠
娛老堪提抱成人任魯愚多情二表弟良夜待傾壺
少字宋公夕飲行臺

涼雨淨紛埃華筵向晚開疎星臨紫宙新月照烏臺
麗句高難和玄言聽未回詎訓傾蓋意無柰別旌催

詠繩橋

追錄

度索尋橦國升猱飲狝形俯窺愁淨綠仰睇失空青

雨過苔絙溼風來箬霧腥天將限夷夏何用罪坤靈

元宵宿北岩開公房

昏醉依蓮社宵談衍葛藤雲僧標指月天女步然燈
桑下經三宿蒲團了一乘何須分垢淨持此問南能

王母瑤池圖壽李右川母張太安人

乾州永壽人

仙鄉名永壽仙李卽蟠桃彩服晨趨數瑤池夕晏高
遐齡還再閱恩詔見重褒笙鶴三天下雲中聽響璫

哭徐用先

子卿還絕漠賈誼返長沙共喜天才定俄驚日已斜
頽峰縈九折逝水繞三巴掛劍應無地飛蓬慘淚笳

西施詠

張禹山云絕似太白

美人出南國名字號西施鸞舞隔烟霧魚驚沉網絲
輕盈羞燕尾窈窕妬蛾眉一入吳宮去姑蘇麋鹿時

戊戌除夕贈縈經徐尹

今夕知何夕明朝是歲朝雪封嵐氣淨雲護嶺天遙
揚柳驚橫吹梅花起麗譙故人新酒熟儲與款春宵

辛丑新正

貴竹逢新歲寂寥空館時泉聲爲滴漏原燒作晨曦
野戍擊柝早山衙開印遲春盤羅鬼菜凍體欲流澌
來報豚兒生志喜一首

魚札報堂瑯犀兵走阿幢弧懸金雀幔花燦玉蟲缸
老蚌寧嘲晚明珠訝許雙歸來梨棗熟笑傲倚陶窻
寄中麓李伯華

中麓何山隱青丘太岳東藏書侔宛委問道卽崆峒
鸞鶴烟雲駕烏蟾日月籠相求天路迥惟許谷神通
秋風引

霜凜街蘆急秋深懸炭輕感策吹籬響熠燿僚堦明
盧女流黃色班姬擣素聲誰教明月引翻作苦寒行
星回之夕夢一美丈夫自稱宋玉謂余曰公獨
無詩贈我乎夢中作一首四句覺後續之

文藻三閭並幽懷九辯知雲爲巫峽賦雪作郢中詞
茅屋還遺址蘭臺異昔時鴻裁誰獵艷空自拾江蘿

夏雨

微涼生細雨半夜似新秋玉軫琴絲緩金爐香氣浮
簷花濺碎滴地鏡俯清流東閣多閒暇西池好倡酬

夜次寧郭

風急毳裘輕關河向晚程星從鴉背出月傍馬頭生
雪店懸燈影寒譙送角聲鄉園知日遠夜夜夢瑤京

下連山

一辭青瑣直長望碧山阿鄉樹雲中出京塵馬上多

釣航依水竹精舍入烟蘿春色催歸興風光待嘯歌

春夜望月

今夜南樓月中天北望賒星河分宇縣鍾漏隔京華
露砌光含竹春江影泛花留連竭樽蟻潦倒待城鴉

梓潼道中

小市孤烟起平岡落日斜素林驚夕鳥錦石戴寒花
悵別關河晚憑高眺望賒上亭今夜月流影夢還家

早發解州

旅宿先鴉起歸心與鴈爭冰霜殘臘路花柳上春城
隱士嘲西笑騷人感北征勞生應物理奔走愧虛名

夕泊江陵

西陵白雪晴南浦綠波生
海燕先春至沙禽恒夜驚
竹房燈下市花舫月中箏
且醉桑郎酒休傷萍客情
乙酉元日新添館中喜晴

白日臨元歲玄雲放曉晴
城窺冰壑迴樓射雪峰
明客鯉何時到賓鴻昨夜驚
離心似芳草處處逐春生
西使後期東尹舜弼

綠蟻離觴困青驪首路淹
江臯遲白日嶽麓近朱炎
別夢春猶隔勞歌夜未厭
刀頭詎可問飛鏡轉纖纖

琉璃河

碧水琉璃淨朱橋牛斗新
風花回曲岸春樹隱平津
清夢繞江汜佳遊限洛濱
肯停飛蓋影未洗化衣塵

孟津二首

檣櫓橫移岸樓臺背枕河
飛甍臨積水懸雷下洪波
蛟避荆飛刺龍驚女激歌
自憐非估客風浪飽經過

又

河曲風烟古天涯旅望深
津樓環日淑碣石帶雲岑
竹箭春添溜蒲帆暝逗陰
岷源千萬里何處是江濤

青橋

閣道盤雲棧郵亭枕水涯
猿猱臨客路雞犬隔仙家

風起青丘樹春迷玉洞花
玉溪云真唐句旅懷今日豁停憶
問袞斜

錦城夕

錦波澄霽色丹樓生晚輝
江光二流暝橋影七星稀
猶明叔度火未息文君機
南陌騷駢度東城鍾漏微

玉溪云初唐氣格

九日遂寧縣郭西登高

烟霞萬里開鴻鴈幾行來
玉溪云登高自見江近飛鳥國山

高戲馬臺霜華沾旅服
霞影落仙杯坐惜佳辰晚斜

春未擬回
玉溪云景有此景

遊靈泉寺此地有席司諫讀書處感懷興悼一首

司諫幽栖地空門歲月深
泉臺埋玉樹靈境闕仙音
逝水興三歎遊山廢九吟
風徽何寂寞松栢自蕭森

咸陽

帝里繁華歇神臯歲月多
玉溪云二句用事精到秦城依北斗

渭水象天河頽堞無遺土
驚川有逝波丘陵沉霸氣

松栢起悲歌
玉溪云千古感激

硤石道

石壕環陝驛澗水帶嶠關
東望封泥谷南連積甲山
秦輪無隻返趙璧有雙還
陳跡虛無裏荒臺蔓草間

禺山云用
事似王楊

層臺驛

陡坡千百磴破店兩三家濕竈薪無焰磽田飯有沙
瘦兵宵泣血猛虎晝磨牙行路難如此羈愁一倍加

箐口關

箐口關何險山頭路更賒凌兢磨旋蟻屈曲陣蟠蛇
官舍惟孤舍人家無一家客心何處切夕照閃歸鴉

觀刈稻紀諺 二首

平章門外路散策喜涼天雨漲青蛙水秋成白鶴田
林塘聞牧笛墟里起炊烟欲問滄洲趣滄洲趣不傳

又

田父邀予說秋成此歲多草頭占月暈米價問天河
樂土寧無味豐年亦有歌惟愁軍餉急松茂正干戈

雲隱林中

燕坐洗塵顏風林久未還衆流爭漱浦羣瀨欲聾山
鳴蜚楊陰靜飛蠅檜影閒晚來空翠濕似覺雨斑斑

宿龍宇寺

二妙此招攜雙林狎遁棲禪僧香霧窟樵子青雲梯
寶樹飈埃淨曇花色相迷有為應笑法詩句續燈題

送張惟信冊封唐邸因歸省母

鳴玉遙持節分珪重剪桐
驕驕開蜀道蟋蟀采唐風
稅駕雲山外迴船月峽東
還將南陔什一奏北堂中
高嶢臥疾喜簡西巒至自滇城

隔戶聞來屐移燈坐對牀
澄心披樂囊點髻訝吳霜
便欲開棋局還思減藥囊
天涯故人少且願駐飛航
永寧諸賢送至魚鳧關

遠送魚鳧外離情柰若何
今晨岐路泣昨夜燭房歌
西上滇雲影東流蘭水波
生還如有日相伴老漁蓑

寒夕 七十行成稿

東西垂老別前後苦寒行
旅髮年年禿羈魂夜夜驚

春鉏胸內貯石闕口中生
讀書有今日曷不早躬耕
畢節簡蔡席二廣文

鶉衣裹凍身荒館夜難晨
冷榻誰相伴寒爐獨可親
途窮千慮失天遠四愁新
夢裏兒童戲醒來倍愴神
瓦店潭塗峻嶺

古木千章合飛雲六出齊
馬行冰上滑人向霧中迷
屐齒穿空石昆蹄陷弱泥
幾時辭梗泛垂釣隱桃溪
再會東晦 癸卯歲

南來復北去暫會又離羣
投館日卓午緩程春正分
楊園花勝雪雉堞粉如雲
白首猶行役勞勞愧隱君

三會東晦

金醴醉連宵瓊枝別此朝折梅臨埃館結桂佇河橋
燕笑風前斷驪歌雲外飄青山有明月愁影轉蕭蕭
臘八日與墨池野酌遲丘月渚

散步謫仙橋嚴寒酒易消雲容將變朔風信已鳴條
只為朋從好渾忘旅寓遙清吟遲月渚剪燭永今宵

楊升菴文集卷第十八

升菴先生文集卷第十九

成都楊慎著

從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

五言律詩

正月二日觀社

滇海曾觀社重來歲月更江山依舊麗耳目幸猶明
袷服兼村雅香醪雜濁清杜陵詩句在久客惜人情

發安寧

悠悠戎旅情甲鼂汨吾征征馬諳舊路飛鴻戴前旌

楊子春文集 卷十一
倭遲此周道來往非夷庚東君憐衰朽假我以新晴
正月十一日宿祿豐寄丘月渚楊溪山張見梅

楊墨池

客星無定影驚鵲又遷枝避地仍多阻還家未有期
東橋花月夜南浦蕙風時攜手難同賞勞歌寄所思
與李葵之段憲卿夜飲

旅寓逢新歲芳隣聚此宵梅花普賢寺楊柳謫仙橋
又醉雙文酒休歌獨酌謔并州故鄉地渾忘路迢迢
留別安寧滇城諸友 二首

垂老西來日天涯此會稀馬啼聲特特鴈陣影飛飛
南海情偏厚東坡語未非海莊岑寂地車轍滿荆扉

又

垂老東還日天涯此別稀關山歸馬地江水釣魚磯
秉燭情何盡啣杯淚欲揮相思幸相問處處有鴻飛
廣心樓小酌憶張禹山

久客高嶢上登樓眺望頻雲連呈貢雨花接晉寧春
蘇李詩偏盛陳雷意氣真不逢劉會孟誰識兩仙人
劉義亭訪予高堯宿毛氏萃芳園夕歸

坐對仙巒暝歸防竹徑幽玄亭雖寂寞清話且淹留
晝足揮毫興宵添秉燭遊遊仙何必賦卽此是丹丘

五月二日太華寺會效韓昌黎

雨後來更好山水有清音紫霞池上酌白雪丘中琴
悟以千佛偈因之九仙吟聞鍾發深省颺爾灑塵襟
宿積翠巖

曉色動香塵天風雜梵聲雞鳴關樹白龍卧海波清
湘浦行捐佩滄浪坐濯纓思歸還引望懷古若爲情
遊玉案山寶珠寺

名山已發興空宇復離羣開樓見西海出岫指南雲
泉華玉雷接風籟紫宵聞前朝一片石金薤剥苔文

酬金秀才

鎬浙江武康人

伏枕抱疾日閉關餘春時欣聞空谷音適與中林期
清風麗蘭藻零雨坐茅茨翻然不可見悠哉寄遐思

烏撒喜晴

易見黃河清難逢烏撒晴陰霾旣已豁險道况復平
蜀日杳千里滇雲惟十程江花與江草異國看春生
大理春市因憶李仁甫

海國櫻桃市春山蘭蕙遊青絲盤騾裏紅頰醉扶留
狼荒金莫辨鮫宮珠暗投佳人眇天末因之問阻修
大華寺卽事

舊雨高堯上新晴太華中松門燈山靄蘭渚鏡文虹

鍾動烟花紫燈然暝色葱山僧多養馬疑是古支公

大相公嶺

九折刺史坂七擒丞相橋沉黎漢原古嚴道蜀關遙
策馬冰槽滑乘橈雪潭消我行再經此感慨一長謔

招劉善充

戎旅九塞上暫歸如夢中雙江碧雲合九橋明月同
搔心渺天末攜手期城東佇立永今夕銀蠟粲銅缸

送毛東鎮往臨安

縹縹碧雞使蕭蕭斑馬羣離亭方禁酒征路正炎氛
水弩含沙影天鳶隊火雲歸音期蟋蟀莫待海花紛

魚鳧關讌別趙龍巖僉憲

有美臺中彥懷予別思長薄雲隨馬首落日送漁梁
野燎山多黑江秋荻已黃搖搖愁轉旆寧用訴華觴

北橋離席留別趙州諸子

漂泊猶戎旅羈栖且歲年又傷南浦別重醉北橋邊
烟樹環江滸風花簇野筵鄉心那可問愁思繞離絃

荅馬敬臣 二首

北闕承恩譴南荒作旅人可堪同瘴癘猶自隔音塵
鶴嶺霏烟外螳川積水濱三年不相見兩地各傷神
空宇澄新霽殊方報早秋涼風天末樹明月海邊樓

塞草封歸望湘蘭喚別愁來章三復罷對酒不能酬
荅楊從龍給事

仙居深紫府旅望渺蒼波五夜勞魂夢三年阻嘯歌
雲心陶令遠秋興杜陵多魚浦南風便龍關一羽過

感通寺

嶽麓蒼山半波濤黑水分傳燈留聖製演梵聽華云
壁古仙苔見泉香瑞草聞花宮三十六一一遠人羣

寺有僧無極者洪武中首率僧眾歸附朝京御製
十六詩送之還詩云眾僧經通佛旨語善華云華

云華
言也

次張大理文柔別後見寄韻 二首

四牡何時發雙魚此日將別離驚草綠衰謝感芸黃
澤畔風霜勁天涯歲月忙欵襟難借問濡跡但相望
垂老雲南戍逢君海上州桂招非小隱萍泛是同流
江漢詢幽側關山慰阻脩欲酬平子贈空有畔牢愁
水邊梅影

玉宇曖微霄瑤華擢秀翹貝宮浮藻景魚浪淨蘭橈
珮冷漢臯橘珠明河上蕭不逢南雪唱空倚北風謠
夢遊感通寺簡諸友

李白題詩寺文簫寫韻樓海光浮樹杪山翠滴牀頭
熱想寒泉濯春曾煖谷遊暝鐘蘿月下清夢一相求

謝楊肅菴都諫惠筆

彤管分青瑣瓊緘到紫巖草玄疲執戟花夢老江淹
嶰谷籜龍健寒宮桂兔尖無因白雪唱空擬碧雲瞻
亭前引水名曰墨池

金潭朝洗菊玉甃暖滋蘭何如玄吐水分作墨池瀾
烟雲生几席星斗宿闌干問字休攜酒仙家沆瀣寒

過石椿村訪唐河東刺史王仁求碑

二首

唐代河東守周朝聖曆時土花封綠字石髮被金碑
泣露麟猶臥嘶風馬自悲荒原誰過問郡乘不曾知
鳴蟻古河東川原勢亦雄城荒吊華納山遠問蔥蒙

玉筯埋天祿銀鈎剝畫蟲閭丘名姓在鄉衮仰清風

玫瑰花

庭際玫瑰樹含芳當坐隅春盤紅瑪瑙曉帳紫珊瑚
風信翻霞錦天香綴露珠仙壺春醞好留着醉麻姑

玫瑰花入
酒尤佳

竹戶

竹戶少塵埃濃陰鬱不開靜聞清露墜涼送好風來
鳥下彈瓊粉蟲行篆紫苔無人共欣賞坐嘯獨悠哉

海籜

卽葑田也浮於水中東西往來

芳洲隱蘋末葑埒寄蘆中上下隨春水東西逐夜風

浮家還泛宅斷梗復飄蓬感物傷羈思生涯愧海翁
出塞 地名六朝體也

烽火照甘泉刁斗出祁連錦車衝鳥穴翠眊度雞田
高柳分斜月長榆合遠天交河水正結心斷玉門前

詠霜

天駟粲寒芒青腰騁素粧珠簾銀蒜白金井碧梧黃
漢署宵鍾徹胡庭曉角長豐貂無暖色坐待燭龍光

滇池泛舟見新鴈

忽見行行鴈來應自故鄉天涯多少路雲際幾番霜
滇水饒葭菼禺山足稻梁金河爾休戀無限虜絃張

中元夕望開福寺塔燈

窳堵高千丈然燈達五更剛風吹不滅甘露洗還明
龍燭真堪並蛾飛不敢驚夔升何矯捷應見闍婆城

詠琵琶

迴窻映華表連環繫錦絛桃葉雙鬟小楓香一調高
牛羊上青塚狐兔沒黃蒿留賓芳夜促且欲醉蒲桃

春江曲

時女翫春翹新梅發遠條風香隨步步雲彩艷朝朝
悵望迷晴浦音書候晚潮玉輪江上水心斷木蘭橈

折楊柳

白雪新年盡東風昨夜驚芳菲隨處滿楊柳最多情
染作春衣色吹爲玉笛聲如何千里別只贈一枝行

雨

蟬咽枝頭露鳩搏樹杪風窻窻涼意足葉葉雨聲雄
案對燈花喜宵分簾色融不知何水部吟斷滴堦中

青橋驛

鐵壁千秋雪冰崖萬壑雷人家比星散鳥道入雲回
旅寓山河隔鄉心日夜催客行春又夏不見捷書來

渡黑龍江時連雨水漲竟日乃濟

飛鷁朝暎霽停驂午漏分客心隨水急人語隔江聞

雨過添清氣風生愛縠紋中流歸棹穩歧望有來羣

憶用敘弟

阿弟遠行役一年無定居勞勞恒念爾寂寂正愁予

日月攀芳樹雲霄隔素書燕南池草綠應好賦歸歟

同祝鳴和錦江泛舟

名鑾

八月茅花水諸天桂子風追涼琪樹底擊汰錦亭東
人境囂塵隔仙曹逸興同城樓鍾欲動斜照帶微紅

遊中崑寺

高閣諸天近長江客路分帆開山吐月鍾動水連雲
漁唱通宵起樵音隔浦聞佛香渾不斷散作南岩薰

次胡孝思中崑韻

翠微連寶地青靄壓雲堤俯瞰行人小平瞻遠樹齊
振衣淹暮屐迴棹聽寒輦雨歇楓林靜荒雞尚未啼

候朝簡王舜卿

文華接武英鳳次應雞鳴月晃牙牌字風傳玉珮聲
天香飄左掖宮漏隔西清不是班行迴焉知夙夜情

桔栢渡 在昭化縣東二里

桔栢古時渡江流今宛然名存巴國志詩有杜陵篇
搗鷓衝烟散黿鼉抱日眠分留餘物色朗詠惜高賢

重過華清宮

繡嶺仙人閣華清玉女湯山川猶氣象臺殿久荒涼
暖水生烟霧寒松受雪霜碑文無歲月螭首卧牛羊

臨晉道中

茅店昏烟集榆鄉燎火開宵征何太急暝望忽相催
月樹羣鴉散霜橋列騎回解城聞漏點星宿滿梅臺

七夕憶遠

離人惜離景星聚又星分雙津烏鵲候三山鸞鶴羣
錦江澄夕浪玉臺生曉雲山途何渺渺愁思極紛紛

送王維賢吉士出知廣德州

朱方新出守玉署早知名邦域周千里文章漢二京

鳳皇天北顧鴻鴈暮南征清賞何由共瓊枝別後情

周彥通侍御秋齋二首

北斗臨茅宇西山出蕙樓涼風吹玉樹明月下金丘
歌對梧桐語辭因叢桂留高人耽吏隱不是采真遊
鳳皇巢扈閣蟋蟀在西堂廬是承明地園非避世墻
清琴宵弄月白簡晝飛霜采采籬邊橘相期重晚芳

齋房春夕

青雲臨鹿苑煥景入虹梁燕坐諸天近齋心五夜長
塵埃徐孺榻燈火贊公房隱隱聞清漏迢迢出建章

酬郭司業

元歲天齋裡新陽月令逢僧房聯下榻仙珮待鳴鍾
雲會連枝比宵分隱几慵同心成坐隔回首是行蹤

送余懋忠

河上冰猶合關山鴈未回君行阻舟楫征馬犯塵埃
天遠驚離袂春寒入勸盃江東碧雲外日暮獨悠哉

春雪

南雪轉東風千門四望同愛穿珠箔透愁點玉堦融
竹覆玲瓏葉梅殘綽約斂夕窓還暎白蠟炬更添紅

春雨

春雨掩柴扉勾芒力尚微潤通瓜蔓水寒透木錦衣

大澤龍蛇遠空林鳥雀稀山翁多甲子杖屨候芳菲
惟信未曉早發至古店回詩見寄次韻

井轄虛投夜河橋暝發時明星將夙駕重露欲沾帷
南浦薜蘿合東門楊柳垂回風飄錦字空谷寄遐思

清源樓觀漲

二首

潢潦飛欄外洪波古堞前山收玄豹雨江展白虹天
牛馬迷昏谷魚龍失故淵樵人歸太晚隔浦認炊烟
雲色含山色濤聲撼樹聲枯槎何處下怒浪幾時平
退鷁昏相失飛鳥晚對鳴如何誇海若猶自託莊生

寒

天籟調寒吹神鑪煉曉霜稍驚綿力薄還訝葉聲長
畫戟歸邊將青綾直省郎誰論萍氏禁須問麴生方

梅天郊晚

連日黃梅雨鼃聲積漸多豐年無赤地平野似銀河
園篠涼生葉堤柳水沒柯半村斜照裡收釣晒漁簑
寒食見梨花

寒食村藏寺晴光水見沙老僧閑貝葉邀客看梨花
塵外冰壺瑩風前玉樹斜洗粧猶待雨春態倚雲霞
寒霄月色

明月流寒影低欄復轉廊雪霜留澹白參昴伴昏黃

野徑多樵笛江村有釣航不教烏鵲定直待燭龍光
寄許玉林

吾憐喜玉林道氣夙齡深懸車未華髮解佩晏清襟
山水歸與興琴樽靜者心紫芳行可覲丹竈擬同尋

訓袁永之 書自陽朔寄來○袁名素

書到滇陰日封題陽朔春同心雖異縣未面已通神

駿發高岑後鴻裁曄壽新 永之近著皇明獻實 伊予嗟暮耄顛

子揆天宸

寒夕

璧月寒生暈銀河凍欲冰簷花穿霰淞窓紙戰風稜

桂火噓難焰蘭膏坐自凝新梅如姹女粧束待晨興

霰淞木冰也着樹玲瓏如花諺云霜淞打霰淞貧兒備飯糲

送朱叅政良矩還金華 朱名方

仙人無白髮何事早歸山東海文鯉逝南雲倦鳥還
竹林同晉逸芝嶺異商顏明月和清夢隨君度雪關

秋夕高曉早起

獨向高曉宿遙聞水寺鐘踈燈青耿壁斜月翠沉峯
星點螢穿竹潮音鶴舞松明湖開曉鏡倒影木芙蓉

村曉

水寺霜鍾起山樓曉堞迷長庚配殘月斜漢界晴霓

犬吠聲如豹蠅喧聽似雞老懷渾不寐遙夕又新題
寄王雲巢

紅塵厭市塵白首伴雲眠巢父元無地壺公別有天
北山迴俗駕南嶽定詩禪莫訝焦鷓細逍遙且大年
懷韓子中

風流點蒼彥天骨乘黃奇出宰千家邑歸無三徑資
蘭亭傳墨訣草閣伴玄思怊悵湯田別深盃欲暝時

寄張愈光

劉安悲落木曹植感飛蓬夜雨燈前夢秋霜鏡裏容
緜緜思遠道戚戚苦無踪何日來仙駕青天騎白龍

贈王民望

有序○王名廷表○五首

鈍菴王民望自臨安千里來訪予信宿而別
期與池南唐子午衢段子會于晉寧為盤龍
海寶之遊值予阻疾不果行作此以寄且訂
後期

與子曠參辰眷言淹晷曜婉婉來清揚媿媿啓玄調
暝宿太華峯晨理高嶢釣沙上愴分襟城隅阻言笑
言笑豁相思有約當後期雲嶠苔屐並風檐蘭襟披
衢步拾瑤草池酌繫青絲俊遊希白下高會繼南皮
南皮駛清流北渚爽金韞去駮儼立鵠走舸歛飛鷗

胡然嬰痾疾臨岐隔歡遊望美天咫尺何以慰離憂
離憂一何叢我心一何忡紫芳行采采翠管坐濛濛
開奩焚寶餌隱几拂彫桐馳神隨去鷁緘情付歸鴻
歸鴻翔次寡緒風傳颺杳涼氛秀峯期溫盟通海榻
詎詫彩霞分終令碧雲合張敏夢不迷劉勰興還荅

高曉夕

雌霓

入聲

晴橋跨雄風晚籟斜綠疇翻祀稷蒼浦贄

蕪葭

左思賦蕪葭段贄葭葭森注贄音犬分別也

樵隱同山麓漁商集水涯

荒村門早閉卜樹已歸鴉

贈別陸後野

名坤

邂逅叶心期燈花對酒卮浮雲遷客夢明月美人詩
館曙鳴雞早關寒度馬遲行過宜祿驛好寄世南碑

陸爲予言虞世南書宜祿碑在邠州字畫遒勁不減廟堂碑人罕摹印

送人之吳楚

佳麗東南地登臨罨畫中竹雲籠曉渚梅雨澹烟空
風順帆如馬天高月似弓哀歌休拔劍槎上覓仙翁

舟曉

羈心厭漏遲未曉命舟師樹過如人立帆開覺岸移
天梭星落織霞錦日舒絲漸喜漁村近炊烟出竹籬
與胡在軒簡西罨泛舟至柳壩晚歸

楊子春文集卷十九
北風吹海岸擁沫聚銀沙
去掉穿汀葉歸帆拂渚花
鶯兒黃似酒楊柳綠藏鴉
物色撩人醉醉歌凌紫霞

滇曉

林迥碧雞飛花稍露欲晞
迢迢城漏寂隱隱寺鍾微
小店明燈出殘粧帶月歸
雲津漁唱起空翠濕蓑衣

元宵雪

娥月隱春城仙雲飄六霙
花隨四照出光與九枝爭
白戰橫詩槩清愁倩酒兵
何須訪姑射人世卽瑤京

九月望日與諸弟夜泛

嘉木繞通川空林衆籟傳
江天清近榻霜月冷侵舡

盡日供愁坐連宵只醉眠
不同池上酌何事有新篇

次夜

南浦風光濶東林霽景饒
灘聲喧昨夜峰影靜今朝
行牒尋烟語停杯待月邀
清遊不隔日玉樹好風標

登金華山玉京觀中有陳子昂書臺

二首

巴嶠亭前立涪江檻外斜
雪堂開洞府雲木上烟霞
葉響非關雨林香不是花
玉京如可到從此問丹砂
古調今寥落令人憶拾遺
不圖垂拱世復覩建安詩
瑟在猶清廟碑殘尚色絲
紫陽畱詠後千載有鍾期

昭化飲嘔酒

楊升菴文集卷十九
十五
醞入烟霞品功隨麴蘖高秋筐收橡栗春瓮發蒲桃
旅集三更興賓酬百拜勞苦無多酌我一吸已陶陶

早發神宜驛

孟冬來棧閣清曉度鄉關隱月雞鳴急回風虎嘯閑
霰收才見樹日出始分山時復憑高望秦川指掌間

長安遇雪

日下長安近天涯晏歲逢凍雲千畝竹寒雪五陵松
橋遠迷玄灞山明見紫峯行行遊獵者爭信客無棕

沙河縣

空磧少人烟孤城大道邊平沙盤馬路殘雪射鷗天

野日三竿上河冰百片穿條風將變柳客思感流

春雪寄內

春陰鬱未開春雪犯寒來點綴過花徑飄揚度玉臺
望迷河畔草歌落隴頭梅併起因風興還思道韞才

十二月朔旦南郊扈從省牲

天仗雲門外宵衣曉漏前蒼龍旂影動朱鷺鼓聲傳
星爛甘泉燭霜清泰時烟南郊新警蹕重覩孝皇年

方云得
初唐體

送內弟黃秀卿

華還遂寧

素舸濤江來白馬嶠關去荻岸屢沿洄蕪臯幾容與

寒日照行觴朔吹飄離緒超遠望平原悄脰空延佇
癸未除夕

金壺躍溫耐華燭蟠暖烟壁陰逝可惜瓊籌俄已遷
噦噦鸞聲動蒼蒼龍角旋椒觴猶頌酒蘭佩催朝天

夜泊

夜泊中崑下扁舟對萬峯一星高岸火幾杵上方鍾
水落灘聲急雲低雨意濃何人吹鐵笛潭下惱魚龍

送鄧士曾給事以言事謫金壇名繼曾

千里泛滄波孤蹤寄薜蘿風塵隨燕雀水國傍鼉鼉
湘浦捐春珮承明待晚珂華陽雖咫尺未許聽仙歌

秋日枕疾

四首

陋巷本寂寞病來人更稀氣候倏忽變陰晴頃刻非
量移寒燠榻調停單袂衣餘生付泡影焉知衡氣機
風前黃葉樹雨後紫苔墻肺病知秋早身閒覺日長
杵聲頻擣藥烟縷漸消香遮眼聊書卷雕虫久已忘
病叟茅亭卧頑童竹杖隨半人嘲鑿齒一足笑虞夔
夢境虛傳蝶支牀祇用龜古方渾不效無乃僞軒岐
殘燈光翳壁斜月影穿帷衰髮難禁日幽憂不寐時
棘籬嗥夜犬茅棟笑寒鷗展轉那堪說呻吟強作詩

春月卧病至夏首

愁心冷不春病眼夜難晨蝴蝶成虛夢芭蕉喻幻身
枕乾垂老淚門絕問奇人惟藥添無量呻吟似飲醇

新秋悼亡 二首

清商不堪聽白露自生愁孤枕寒先入空堦雨未休
夢魂回永夜悲怨集新秋奇樹中庭色傷心不再遊

又

黃葉擁堦深秋聲雜暮砧天空孤鶴唳露冷百虫吟
錦暗宵衾色瓊沉曉珮音可憐搖落節感此倍蕭森

楊升菴先生文集卷第十九

升菴先生文集二十卷

成都楊慎著

從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

五言排律

早秋野眺寄所遲客

蟋蟀鳴歲晏爽鳩起涼氛斜川有名飲中林無雜群
輕輪逐水曲空舫艤江濱烟杪散靈籟寒漪聚淥文
浦思滯滄客洲望夷猶君夢想期華月徘徊生碧雲
小山桂將結幽谷蘭當芬馨香坐消歇跂音詎相聞

新正六日隨徐子容郭介甫唐守之登鏡光閣

一首

徐名緝郭名維藩唐名皐

抱病強尋春開愁是此辰
瑤峰初霽雪鏡水不生塵
仙閣通青漢 皇圖望紫宸
城隅織草出官路遠楊
新麗藻留金馬煙花對玉人
風光知漸好搖蕩曲江濱

至後雪

白雪晃玄陰清都帶玉苓
原鱗春盎盎宮雉曉沉沉
朔氣龍沙遠寒光鴈渚深
色裁斑女扇聲入楚妃琴
黃竹當停奏幽蘭且罷吟
瑤華如可贈持此慰離心

禁直春寒

太乙祠燈罷甘泉薦鬯回
青陽孟月啓華晷上春催
溫樹花全斂曲池冰不開
通天明星館迎風寒露臺
清冷異塵境霄霓隔蓬萊
玉女闕窓下金徒抱箭來
網戶排雲掩瑤墀映雪皚
中郎五日直內史三宵陪
鄭綿猶重御越羅當未裁
欲分青藜火共舉淥醽杯
送石熊峰閣老代祀泰山闕里

云亭炎帝館洙泗魯王宮
百代聲名遠千秋望秩同
郊禋元祀啓彤鬻九幽通
奠玉分宸獻函香領鉅公
璣衡璇斗北奎壁映天東
鯨澤觀滄海鴻逵指岱蒙

五松烟杪蓋雙檜兩稍蔽華衮遺經在金泥故檢空
銘崖晴倒景文棟曉舒虹仙碣秦觀罷靈旂濩舞終
周筵晞湛露舜殿轉薰風肅肅攀歸鞅明明翊化工
送尹舜弼祗祀南嶽分韵得王字

洞庭環北渚衡麓奠南荒軒帝曾張樂重華舊陟方
登封非昔事秩禮自今王鸞掖馳仙使龍函捧御香
栢梁辭曉晏桂水泛春航星鳥光芒動風鳥浩渺揚
雲標青磴上天柱赤霄傍峰影回鴻鴈岡音下鳳皇
搦毫驚挾藻弭節敬維桑並命還分後同棲忽異翔
行行皆去轍肅肅戒歸裝南望蒼梧遠西遊碧草長

五津通萬里七澤遶三湘暑殿螭頭日秋堂燕子涼
漢恩虛講幄唐會別文場離索難爲久居諸幸不忘
涪江泛舟

明月沉清露秋風起白雲蘭橈乘溜急木葉下江聞
爽籟金懸奏遙峰翠積氛碧潭留鴈影錦汭散虹文
旅望隨天豁幽阿與歲分登臨知自好寂寞共誰云
送彭胡之官保靖

青楓帶楚鄉紅旆引吳航溪洞連辰浦峰巒近酉陽
稻田多有歲橘樹不知霜葦簫祈盤瓠鼓詞賽竹郎
蠻歌花節鼓公讌桂沾漿因爾詢風土圖經遠寄將

薰橘

綠橘試新霜金丸綴紫房美人憐節物含笑出長廊
玉手勞親摘朱唇不忍嘗濃薰九微火清芬百和香
捧持青玉案投贈白雲鄉桃李終成俗芝蘭豈並芳
真堪頌屈子詎許擲潘郎羅帕分玳賜猶疑出上方

詠端溪硯廿韵示兒

瑞石出端溪靈陶琢已齊緇磷開渾沌清越奪琳珪
龍尾仙翁棹羊肝彥士剗浴毫輕似染囚墨膩於鑿
朏月沉泓北泫雲度岳西影寒歸黑帝光鑑比玄妻
羨起圓如璧紋迴曲似堤藏春留琲璫初花如玉蕊也俗作善璫

張有復古編云云

敲日響玻璃呵潤能欺礎涵星詎照黧

央無古瓦函谷失澄泥兒愛蓮蓬洗奴頑竹節携研
山銘可記壺領價應低吮筆漿含蚌祛塵匣斲犀讒
邪憂呂望博厚景宣尼綺思生松黛訛音辯彩霓寸
田豐稔種勺水躍鯨鯢藻翰歌麟趾動華借兔蹄逝
將翔沼鳳幸勿厭家鷄巴嶠薪當荷雄池草正萋玉
蟾徵舊夢金馬擬新題

戲效西崑體無題十六韻

王御參三粲河圖叙九房天機從此淺華孽竟非祥
蟾窟那須藥牛津豈服箱周阿生碧樹窈窕限清防

翠被龍涎透銀箏鹿瓜長蕩舟凌浩渺解珮失溟茫
南后鳴瓊博西施響屨廊山峰歌羯鼓風水舞霓裳
繡嶺仙人閣華清玉女湯咲中迷下蔡粧罷陷平陽
回盼傳深意橫陳脫薄粧青鸞工渡海赤鳳巧踰墻
團扇留明月輕裕溼早霜鷄皮三復少狐尾九還翔
玉井喬家破珠樓石氏亡洛神休染翰嗤爾獻之狂

初寒擁爐欣而成詠

閉戶當嚴候圍爐似故人胡桃無賜炭

宋世御炭以胡桃文鶉鴿

色為上以賜內直學士

楮拙有窮薪兒免號寒喜翁便永夜親

焰騰金齒蓄灰聚玉麒麟煎燭休論跋傳杯莫記巡

煎茶浮蟹眼煨芋皺蚪鱗一點那容雪千門預借春
霸橋何事者凍縮苦吟身

重詠風扇

披襟誇宋玉吹律詫鄒生何似風輪扇能令暑域清
蘊隆澄沆瀣道暘幻蓬瀛枕簟無三伏樓臺即五城
郢人忘羽秉宣曲想衣更颭爽蕭丘似飄飆列馭并
土囊真妄說天籟實多情歌舞宜高晏鮮鮮白紵輕

蔬食

蓬樞還老圃藿食遠膏薌小摘中園裏薄采南澗傍
終葵紫含露蕸荷白負霜煤作金釵色齊為玉筋長

楊子菴文集卷之三十一
既飽琅玕腹亦允沆瀣腸糟井甘三咽蟻丘愁五漿
籠殮詎堪享鈎餌寧可嘗願言從沮溺從此謝金張

送謝子佩

吾愛右溪子翛然清且真神仙自天骨吏隱出風塵
直道酌當宁危言動指紳雷軒三進日瘴海一麾辰
益者來三友同心得二人歡遊才異域良會復殊津
忻坂褰烟幕崢峰隱月輪達途折龜背候館密魚鱗
霄鴈將愁迥雲猿遁夢頻殷勤祝玆護歸及采衣春
詠候子
鼉記軒轅鼓龜升夏禹圖兜零清紫塞寓望拱皇都

水隔生烟直山遮落照孤道人春振鐸亭長晚吹菰
原樹遙分薺城荒遠辨蕪淋鈴蜀棧雨疲旆楚江艫
客思虛悲梗吾生實射弧驂駢達自達兔鹿徑休迂
晨霏

安寧之境抄秋初冬天將晴霽晨必大霰千
里一白如銀色界湏臾日出霞彩暉煥亦奇
觀也

玄冥當凜節白霰翳晨朝明日朦朧閣清霜曖暎橋
冰漸紅織水花淞慣封條嵐市天褰幕煙堦陸湧潮
鳧疊迷獨釣鹿徑滑歸樵文彩南山豹威凌北塞貂

駟星收閃閃曦景煥昭昭梅信懸知近憑他酒帘招

升菴先生文集二十卷

升菴先生文集二十一卷

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 仝校

五言排律

永寧贈任蒼崖

蒼崖金陵彦江陽隱邁軸紫擘采靈芝青藜種山穀
匪直起人痾兼用醫士俗驂綠謝雲遶鵠白非日浴
石鼎彌明詩錦肆君平卜聯鑣圭里遊對榻天池宿
綢繆情已深繾綣意何篤明當理歸艤候子春渚曲

十月十二日與吳菴蒼崖清會宿平山樓

昨暝江疊泊笑謔極綢繆今夕高樓宿宴醉集朋儔
枕底靜湍瀨城上聞更籌既傷離索久復念關山脩
黃栢風人意青草王孫遊安得騎鴻鵠往來滇海頭

崇聖寺

塵劫非人境烟霞是佛都山開銀色界海涌玉浮圖
追蠡形猶壯伽藍跡已蕪經函飄粉蠹畫壁剝天吳
零雨頽墻草驚風廢井梧禪心隨夜寂旅望對秋孤
遠日窮千里傾懷倒百壺狂歌意無極感此歲云徂

無爲寺

涼雨敞金天暝巒凝紫烟復有兔鹿徑斜通龍象顛
餘霞帶飛閣流波澄遠川危磴三休至層臺四望懸
佳遊惜落景愁思怯離弦非關興盡返良爲懷抱牽

春泛昆陽海口

洪池環貝闕清籟切龍淵光騰馬躍渚潤入象耕田
錦紋浮澹淡金碧映淪漣津吏醉持楫漁郎歌扣舷
白浪認前浦丹霞分遠天蒙籠山鬼洞遙裔海童烟
別籟鳴空外歸雲望日邊向夕長風起愁吟江漢篇
雨夕夢安公石張習之覺而有述因寄

滇越隣天竺邛峽隔夜郎五離殊畛域一別異炎涼

竄逐他時並羈懷此夕長歡娛漸迢遞晤語落暝茫

嵐靄炎蒸國烟波瘴癘鄉秦關生馬角蜀嶺斷猿腸

折坂沉黎壁懸繩沫若梁南盤堆枸醬西巵緝枕榔

羅漢標孤檜觀音映遠揚湖街龍簇市土人以辰日為市名龍街

海貨貝投莊真貨以貝一貝為一莊四莊為一首卉服喧叢薄雕題列

大荒逡巡烏爨弄烏爨古之烏蠻今之羅人也其樂謂之爨弄唐世取樂府以為笑云

噉咷白御章白狼擊木今麗江姪霄迥鳶飛站星低

蠱飲光夷人畜蠱夜出飲水堞風氛甚惡其地不時暴風如嶺

南之颶風土人名曰峒商露毒仍防樹偃申家屋荷

周屈氏裳獨愁吟皚雪九辨感清商永晝消棋陣流

年付酒狂抨弓穿鵠鵠鼓柅泛螳螂鵠鵠鳴也澗名螳螂川名康

樂吳趨激鍾儀楚奏傷盼歸頻握楮憶舊幾停觴夙

昔交遊日崢嶸翰墨場金蘭通氣味桑梓借微芳健

筆詩鸚武靈陶曼鳳皇執鞭從李杜傾蓋許班揚賈

誼三書切相如四賦良軼塵追騷裏缺岸倚崎牂百

斛扛文鼎千帆掣駛檣仙才輕綬冕公望重珪璋蒲

席青規地薇垣紫界墻璇閨高曳履瓊澁儼分行笏

捧綈囊奏衣飄畫省香輦花簪蠹蠹池草佩鏘鏘倬

直承明下經過韋曲傍翠薇橫半岫白水溢方塘暝

宿招提境雲眠蒼蔚房樵歌舉薜荔漁影照滄浪倏

忽嗟岐路參差散，頽頽薰華晨。逗雨冥茨曉，凌霜拂
鬱干。將劍聯翻戍客裝，峨眉臨絕頂。灤旣宛中央，樾
蔭江楓赤。庭蕪塞葉黃，閉門非泄柳。深壘詎庚桑，紛
緒琴心懶。衰顏鏡匣藏，屏居親契狵。坐嘯和蛩蟹，張
敏情還劇。安期好不忘，形骸元脫略。身世且倘佯，蚓
壤甘怡槁。鴻冥豈慕梁，艱虞寧暇問。吾道任蒼蒼。

孟夏苦雨不絕

積雨千家靜，停雲八表昏。青苔封甲子，白水漏乾坤。
祗益黔巫瘴，虛沾屏翳恩。愁零詩欲繼，繁露術空存。
潮汐宵通井，津梁曉隔門。何時集車馬，明月對琴樽。

秋夕效六朝體

美人別我去，春恨滿薜蘿。蕪況是新秋，夕相思芳歲。徂
月織京兆，盡星點漢臯。珠峰霞張錦，頰池漱湛清。臚
物色，那堪對情悰。可忍孤將懷，結楚夢。流思向雲巫。

贈汪泉翁

西土滇雲鎮，南天執法星。尚書崇禹衛，大雅重周屏。
聖化彰無外，皇心佇靡寧。分弓昭質繡，掛劍倚潭青。
吉日占風角，凶門背斗刑。威聲先象渚，敵愾到麓冷。
玉帳通降表，金標已勒銘。風馳凌汛掃，火急驗灰釘。
春壤重看闢，宵關遂不扃。帝圖輿外拓，玉略俎邊經。

勛業今昭鼎文章舊發硎調高清瑟倡名並色絲馨
芳潤三霄露濤瀾六月溟過都誇驟裏傾國掩娥姝
谷響丁丁木波縈泛泛萍犧尊出城郭暢轂駐山亭
墨許池中洗歌容澤畔聽真堪慰遲暮渾欲忘飄零
信宿慙鴻渚生涯老鶴汀陳雷千古誼一羽在仙真

訓張子上臥疾

幽憂子伏枕寂寥予閉關誰言彈丸地若阻重巖山
朱義陸將攻清商節欲還幕庭書帶靜文波屏風閑
鳴瓊罷魚翁窺棋忘豹斑牽率訓蘭藻俯仰企芝顏
荅彭子冲

異縣悲南國同車感北風霜清淮浦濶木落楚江空
危坂難迴馬炎方少去鴻望歸天共遠惜別歲將窮
海曲飛鳴隔山梁飲啄同從軍古云樂况復九夷通

送周子籲工部北還

潘岳賦西征江淹黯別情羊腸縈隴坂龍角繞吳城
晚照澄江靜星浮洞浦清石帆風外矗沙鏡雨中明
愁聽丹楓落勞歌白芷生杪秋遙夕夢殘月半長庚

五月四日蔡龜崖太守邀會于三塔寺大觀堂

分題得櫺檻觀瀾分韵得霰字

蔡名紹科

清冥鳥外簷翠靄雲中路暇日從公遊淑景同人聚

幷幪捲宿氛晏温屬新响陶潜思停雲樂廣欣披霧
空侯睇遙天佛經有此語平薺數津樹陽焰展海幘浮圖

象天柱繡檻狎鷗汀朱窻見魚步鷺翻入鏡明灘羽
當屏度酌言深竿酣詎覺層城暮懸火已促歸芳草
猶回顧慙賡玄暉吟緬誦澄江句

六里菁 在豐祿

六里菁何深千章樹如薺俯聽秋蟬鳴翻在幽澗底
澗水何洄洄名蘭香靡靡不見采芳人誰為枕流子
日暮心悠哉臨風聊徙倚

温泉

神丘隱雲岵靈泉渺天河陰火煮玉泉陽暈嗽朱波
吹律豈鄒子煉石疑媧娥乳竇沉水碧碣梁起盤渦
漸漸不濡軌日滄常盈科偕賞玩仙液蘊真洗人痾
浴蘭興遠思沐芳咏遺歌銅池漢霤側釳城驪山阿
朝宗阻江漢褰裳限并剗天隅感流落日暮吟蹉跎

明月子

桂影靜遙天照我綺窻前窻中出佳麗樓上鬪婵娟
三五嫦娥夕二八箇儂年金波未成鏡玉弓才引弦
月隨人共媚人與月相憐自有橫陳意流光燭錦筵
送周子籲北上

天路還鄉路文星即使星北溟觀浩渺南紀歷岩亭
博望傳節節王褒識碧形漢詩陳奕奕楚賊詠莘莘
揆藻留仙署分華到旅庭薰筵風若蕙浴楫日如萍
玄草楊雲閣青蘋柳渾汀良書睽暝榻張飲列春坵
鳳舉誠難駐驪歌忍易聽吳宮有歸乙飛札與丁寧
池上會心亭初成與客小飲

故鄉歸未得暇日且銷憂仙地那能縮吾廬亦自幽
垂楊覆殿沼作行引觴流桂白淮山晚梨紅張谷秋
烟林平似織雲樹鬱如浮卽此堪招隱無勞賦遠遊

送劉少隣北上

春物茂華滋花宮携手時行行傷遠別恨恨不能辭
歲月甘衰矣山川若間之嘉遊才舊約良宴卽生離
南浦江淹賦北窗蘇武詩挈音悽去柅行色慘征旗
濁酒臨風把清塵何日追惟應托宵夢萬里逐心知

贈簡西巒

才藻媿劉珊經術擬杜環鴻儀渾物外馬跡徧人間
硯沼三江狹詩囊五岳慳好吞雲夢澤莫擘少華山
喜枉甦甦徑慵攀虎豹關縈維過信宿瓊玖照衰顏

肆月八日觀李中溪

元陽浴佛會

三花寶樹下八水香池邊鷺嶺玄宗啓魚山清梵傳

日華明震旦雲彩麗諸天染衣豈尊宿鏗佩盡儒仙
虛界一那刹實際萬由延伊予漂戎旅同君登法船
春郊觀射戴玉案葉雨湖錢憲副劉民部同賦
東郊春草合襍英紛滿林同聲有勝集興言相追尋
白羽晝搖月鳴散風遞音已負投筆志曾是懸弧心
射雉休重賦蜚鴻聊一吟

清宵有清光

清宵有清光
更窈窕月戶自娟娟風枝何嫋嫋
樓迤寒更遲
飛鳥繞露氣閨層簾星光涵碧沼
美人阻風期幽懷寄天表瓊想去翼長寶劍不音杳

系居能無言歲月成遐邈

雲中十二韻

天子雲中
未還律吹玄兔塞旗繞白狼山
風火燒荒急星晨過隊閑燕支留馬首蘇酪醉龍顏
清樂千門動黃金萬鎰頒雪深懷續絮月滿憶刀鏢
牙鳥嚴宵仗宮鴉捲曉班奏回青瑣闥捷報紫金關
膂力休明鎧歡聲洽禁闈功牌銀爍爍賀障錦編闈
日轉虞巡外春流鎬宴間戢戈行有頌神武徧人寰
首夏過西園得樂字

青雲何飄飄華彩遠揮霍阿閣翼景龍出臯伴鳴鶴

信宿訪烟霞夙尚本丘壑赫曦中陸永夏氣南榮薄
游樹列丰茸行欄護花藥還近竹林遊遂動蘭池作
甘瓜浮清泉碧盃凍寒酪芰製鳧鷖親林籟宮商錯
妙理寄沉冥興懷在歌詠悠然莊鳥心試誦思歸樂

升菴先生文集卷之三十一

